

Kalaallit Nunaanni inuit pisortanut kiffartuussisut pillugit paasissutissanik nalunaarutiginninneq aamma tamanut saqqummiussineq pillugit nalunaarutip tusarniutiginera

9. maj 2022
J.nr. 21-000523
/MKMI

Finanstilsynetip ullumikkut Kalaallit Nunaanni inuit pisortanut kiffartuussisut pillugit paasissutissanik nalunaarutiginninneq aamma tamanut saqqummiussineq pillugit nalunaarummut missingiut tusarniutigalugu nassiuppa.

Nalunaarut aningaasanik peqquserluutininik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsip (aningaasanik malunnarunnaarsaasarneq pillugu inatsit) Kalaallit Nunaanni atuutilersinneqarnissaanut peqqussummi nr. 956, 17. maj 2021-meersumi § 18, imm. 9, aamma § 80, imm. 5, peqqussutikkut nr. 2627, 28. december 2021-meersukkut allanngortinneqartoq, naapertorlugu atuutilersinneqassaaq.

Nalunaarutikkut ilaatigut siunertaavoq, inuit kikkut Kalaallit Nunaanni inuit pisortanut kiffartuussisut allattorsimaffiannut ilanngunneqarnissaata erseqqinnerusumik taaneqarnissaa, Finanstilsynetimit tamanut saqqummiunneqartumi, suut paasissutissat Finanstilsynetimut nalunaarutigineqassanersut, kiap tamanna nalunaarutiginninneq ingerlatissaneraa kiisalu nalunaarutiginninnissamat piffissarititaasoq.

Nalunaarummi § 2, imm. 1-imi aamma 2-mi allaqqavoq, paasissutissat nalunaarutigineqartussat tassaasut, inuit aqqi tamakkerlugit, atorfi aammalu inuuii.

Nalunaarummi §§ 3-10-mi allaqqavoq, ingerlatsiviit sorliit inunnik pisortanut kiffartuussisunik nalunaarutiginnittuussanersut, tassunga ilagitillugit Inatsisartuni ilaasortat, politikikkut partiit aqutsisuiunut ilaasortat, nunani allani sinniisoqarfinni pisortat, pisortat aamma siulersuisunut ilaasortat pisortat aqut-sisoqarfiini aalajangiinissamat piginnaatitaasut kiisalu suliffeqarfinni Namminersorlutik Oqartussat pigisaanni pisortat aammalu siulersuisunut ilaasortat.

Finanstilsynetip nalunaarummut oqaaseqaataasinnaasut noqqaassutigissavai kingusinnerpaamik tigussallugit 13. juni 2022.

Tusarniaanermut akissutit e-mail-ikkut nassiunneqassapput sbak@ftnet.dk - mut.

Nalunaarummut missingiut pillugu apeqqutissaqaraanni fuldmægtigi Mikkel Krebs Mikkelsen-imut oqarasuaatikkut + 45 20 12 21 67 -imut saaffiginnittoqarsinnaavoq.

FINANSTILSYNET

Århusgade 110
2100 København Ø

Tlf. 33 55 82 82
Fax 33 55 82 00
CVR-nr. 10 59 81 84
finansstilsynet@ftnet.dk
www.finanstilsynet.dk

ERHVERVSMINISTERIET